

四庫全書

子部

欽定四庫全書

子部  
六藝之一錄卷一百十一

詳校官中書臣陸 湘

貢外郎臣牛稔文覆勘

總校官檢討臣何思鈞

校對官編修臣沈清藻

謄錄監生臣朱上林

欽定四庫全書

六藝之一錄卷一百十一

錢唐倪濤撰

石刻文字八十九

武林石刻

學宮碑錄

宋高宗御書石經

春秋今存三十二碑

尚書今存六碑

易經今存二碑

詩經今存十碑

禮記今惟存中庸一碑

論語今存七碑

孟子今存十一碑

右碑高五尺廣三尺餘分四層小楷書字徑三分  
論孟碑字稍大可五分

石經歌

有序

昔宋太宗嘗曰朕退朝觀書外留意字畫雖非帝王

事業不愈游畋聲樂乎迨後

缺

曰寫字當寫書

不惟學字又得經書不忘紹興二年宣示御書孝經  
繼出易詩書春秋左傳論孟及中庸大學學記儒行  
經解五篇總數千萬言刊石太學淳熙中孝宗建閣  
奉安親書扁曰光堯石經之閣新安朱熹修白鹿書  
院奏請大帝石經本是也元初西僧楊璉真伽造塔  
行宮故址取碑石累基杭州路官申屠致遠力爭而  
止後因改學為西湖書院歲久閣廢石經斷折零落

洪武中移仁和學於書院然石經久廢人莫知留意也宣德元年夏予出按於杭觀之慨歎迺以屬郡守盧君玉潤率教官生徒四散收拾得全碑若干碎折若干一一補鑿共得經碑百片昇置殿後及兩廡見者驚嘆因作長歌備載其事云

思陵避敵東南隅臨安建國稱行都投戈講藝事經術六經語孟咸親書字形僅比黃庭小楷法欲與爭先驅宸章赫弈麗霄漢鸞翔鳳翥昭神謨宰臣敷

奏勒琬琰工徒竭蹶爭奔趨琢成豐碑凡二百一一  
摹刻無遺餘身高八尺廣踰半上圓中直安方趺列  
藏成均首善地要令萬世瞻弘模淳熙紹統構傑閣  
覆蓋護惜同璫璵嘗令良工打石本散布學校周寰  
區炎精墮海宋社屋潭潭三舍成榛蕪豪酋楊璉媚  
姦相走舁碑石營浮圖路官申屠力爭止改立書院  
名西湖陵夷百年閣旣毀石經倒折誰匡扶小者堵  
牆布行徑大者顛倒橫溝渠遂令至寶遭污蟻誰復

張眼來睢盱嗟予好古生何晚忝官六察乘輶車仁  
和邑庠偶得見對之不覺成歎歎岐陽之鼓久已沒  
東都石經今亦無俗流愛好蘭亭刻視此何啻天壤  
殊急命郡守集吏卒手舁繩曳來庭除爬抄剔洗去  
垢穢灰黏鐵鈕相聯挈尋行數字共合輳妥置長廊  
寬更舒東西峙立無杌隄深簷蓋護何他虞零殘塊  
礫埋殿後免遭賤辱遭泥塗當今聖明御四海嚮用  
經術崇文儒浙江大府列藩臬聖人謨訓當弘敷我



歌石經示來者立言雖鄙良非誣 宣德二年歲在

丁未秋七月朔旦巡按浙江監察御史海虞吳訥識

宋理宗御書道統十三贊

并序

朕獲承祖宗右文之緒祇遘燕謀日奉慈極萬幾餘  
閒博求載籍推迹道統之傳自伏羲迄于孟子凡達  
而在上其道行窮而在下其教明採其大指各為之  
贊雖未能探賾精微姑以寓其尊所聞之意云爾

右二

碑每碑

五行

紹定三年所製淳祐改元孟春祇謁

先聖就賜國子監宣示諸生

右一碑四行後空一行鈐連珠小印一長

一寸五分廣八分上鐫辛丑二字下御璽一縱橫各三寸

篆額皇帝御製御書

伏羲

繼天立極 為百王先 法度肇建 道德純全

八卦成文 三墳不傳 無言而化 至治自然

堯

大哉帝堯 盛德巍巍 垂衣而治 光被華夷  
聖神文武 四岳是咨 揖遜之典 萬世仰之

舜

於皇聖德 至孝盡倫 所以為大 樂善取人  
惟精惟一 帝心之純 垂拱無為 堯道是循

禹

克勤于邦 烝民乃粒 厯數在躬 厥中允執  
惡酒好言 九功由立 不伐不矜 振古莫及

湯

順天應人 本乎仁義 以質繼忠 匪曰求異

盤銘一德 桑林六事 人紀肇修 垂千萬世

丈王

原缺

武王

受天眷命 繼志前人 遐邇悅服 偃武修文

惟賢是寶 法度彰明 建用皇極 爰叙彝倫

周公

美哉公旦 翼輔成周 施兼四事 才藝俱優  
制禮作樂 惠澤敷流 有大勲勞 宗社延休

孔子

聖哉尼父 秉德在躬 應聘列國 道大莫容  
六藝旣作 文教聿崇 今古日月 萬代所宗

顏子

學冠孔門 德行科首 聞一知十 若虛實有  
樂道簞瓢 不易所守 步趨聖師 瞠若其後

曾子

守約博施 反躬三省 孝為德先 祿仕不忍  
聖道正傳 意會神領 一唯忠恕 門人深警

子思

閒居請問 世業克昌 可離非道 孜孜力行  
發揮中庸 體用有常 入德樞要 治道權衡

孟子

生稟淑質 教被三遷 博通儒術 氣養浩然

深造自得 亞聖之賢 高揖孔氏 獨得其傳

右碑十六枚俱高五尺廣二尺六寸序三贊十三  
每碑五行大字楷書字徑四寸

元聖旨碑

篆額詔旨  
二字平列  
字徑五寸

上天眷命皇帝聖旨蓋聞先孔子而聖者非孔子無

以明後孔子而聖者非孔子無以法所謂祖述堯舜  
憲章文武儀範百王師表萬世者也朕纂承丕緒敬  
仰休風循治古之良規舉追封之盛典加號大成至  
聖文宣王遣使闕里祀以太牢於戲父子之親君臣  
之義永惟聖教之尊天地之大日月之明奚罄名言  
之妙尚資神化祚我皇元主者施行 大德十一年

七月

缺

日

上層隸書十三  
行字徑五寸

惟夫子集羣聖大成垂教萬世雖追崇之典屢臻未



有備其極者皇元大德丁未始加大成之號其所以  
致褒稱之隆蔑以尚矣後二十九年儒學提舉臣余  
謙副使臣陳旅謂明詔之頒它郡學院皆勒諸石而  
茲獨缺焉於是臣謙為隸古書之俾刻樹廟門用揚  
休命昭示于無窮厥惟楹哉 至元二年丙子歲秋  
九月甲子西湖書院山長臣陳泌拜首稽首謹書

右

層楷書十七  
行字徑五分

篆額西湖書院重修大成殿記

五行字  
徑三寸

西湖書院本故宋太學其初岳武穆王飛之第也歲  
丙子學與社俱廢至元三十年以其左為浙西憲司  
治所其右聖廟在焉三十一年東平徐公琰為肅政  
廉訪使乃即殿宇之舊改建書院置山長員主之先  
是西湖鎖瀾橋北有三賢堂祀唐杭州刺史白丈公  
居易宋和靖處士林公逋知杭州事蘇文忠公軾於  
是奉以來祠之元統二年秋大成殿東南角壞葺之  
者不良於謀因盡撤而治之費淳而物竄功未集而

逋已積泌來承乏竭歲入不足庚養既弗贍教於何  
有翰林余公謙國子助教陳公旅提舉江浙學事  
蓋深憂之至元元年乙亥秋魯郡胡公祖廣繇江西  
行省叅知政事來為肅政廉訪使凡工賈之未庚者  
日訴于庭乃詢于提舉提舉白其狀胡公矍然以為  
己任即檄真定萬戶府鎮撫符公倫覈實其費去其  
浮三之一時浙東道宣慰使鐵木哥公來監憲司事  
治書侍御史衛郡李公嘉賓叅知江浙省事胡公與

之謀俾儒司以浙右郡縣學書院羨財助之憲司經  
歷程公文輝知事徐公宗仁咸輔成之憲司忽都海  
牙承贊唯力於是宿逋清而繕修之事備矣乃扁三  
賢祠曰尚德徐公祠曰尚功列志仁集義達道明德  
四齋以居多士立大小學以迪後進闢思敬齋以爲  
舍菜致齋之所旣成士子言於泌曰子之至不幸承  
前人之弊以弗寧于教養幸茲底成其可忘所自乎  
宜紀諸石嗟乎聖人之道與天地同流無適不在學

者來游于湖上心遡乎洙沂鳶飛魚躍各極其造聖  
謨洋洋固在是矣若三賢所以得記者亦以其立朝  
風節與隱居以求其志皆有關于世教也然則篤意  
於是役者豈無所謂而然哉於是乎書 至元二年  
夏五月朔山長陳泌記賓序前本院山長承務郎平  
江路吳縣尹陳恕可主奉將仕郎建德路總管府知  
事孔文學教導黃彝儒職張慶孫張榮老謝瑛直學  
張處仁儒人陳珪陳永錫范繼孫陳埶孫沈富仁顧

昌大范儉孫魏必明殷弘毅吳楨盛明德等立石

司吏

吳元澤刻  
者謝文炳

杭州路重建廟學之碑

承務郎江浙等處儒學提舉王大本為文

光祿大夫江浙等處行中書省平章政事提調行

宣政院事江浙都財賦事康里慶童書

通議大夫江東建康道肅政廉訪使周伯琦篆額

皇元既屋宋社稷大一統而臣萬方置江浙行中書

省于杭以鎮撫其民而封建厥福乃即宋京學為杭州路儒學而省憲率郡有司以告朔謁謝於斯以春秋釋奠於斯以育材羞耆而興賢論秀於斯於是杭學遂為一行省首善之地而非他路儒學所可昆弟語矣自時厥後有廢有興或仍其舊貫或因而改為其規制位置猶未克丕變視雄藩大閫外執政之居命之教而為學者為弗稱不有君子其孰能立隆教基於虐燄灼天之後作新士氣為儒林拔萃之舉乎

至正十有二年弄兵之盜濫觴于河南而橫流于江  
表既三關不守直抵杭城待暴不豫民無固志遂焚  
蕩我省治延燎我比閭而杭之廟學毀焉曾無一瓦  
之覆簾業窘於煨燼石經委諸焦土屬戎務方殷未  
遑興復士類無所依歸彞倫失厥攸叙否極而復圮  
極而崇所以默相斯文者天意固有所屬矣朝廷以  
杭實東南甲郡地大人衆供給浩繁師帥之重每慎  
厥選十又三年癸巳之冬制授中大夫杭州路總管



康里公實來旣視篆釐務作而言曰興舉學校承流  
宣化之大者也其可諉以百姓新免毒蠱瘡痍未瘳  
而謙讓未遑乎旣以其事具牘行省移大憲司示不  
敢專遂經始度地略丈數物土方揣高卑議遠邇左  
廟右學一循國學之制攻位而位成乃量功命日須  
材計傭慮財用儲餼糧遴工師量事期以令役于有  
司首建禮殿尊祀先聖先師東西兩廡從祀位焉丹  
楹刻桷清廟有嚴金榜朱扉戟門斯闢煥前規而

高廣宏壯視舊址而恢廓平寬信乎垂憲萬世賢於堯舜人存政舉道隆則從而隆者矣先是外之石靈星門距戟門為不遠至是則徙遷而南其深八丈有奇由公買地以拓充之也若夫學校之建則明倫之堂弘敞高亮以隆迪教講道之原設大小學四齋以嚴受業辨惑之會庖湍有所倉庾有居先賢后土有祠來朋見賓有門中唐有甃泮水有梁而學校之制大備焉蓋經始於十四年之五月而落成於明年之

五月是役也行省憲司咸樂善以成其美倡義以佐其費同寅協恭懋相斯役府判官張公思誠則又爰始爰謀為之矩矱而典其規程也予謂郡縣有學學必有廟而杭之廟學乃卓犖輪煥於極廢大壞之後一時釋老之宮燬於回祿者衆矣其徒悉力化誘皆蓄縮弗肯有為賢太守抗志作新卓卓自任學計幾何而能化洽而裕多助之至非有福田利益以歆動之也信乎聖人之神於昭在上如日月麗天照臨之

下莫不心開目明樂成其美先師有相之道則五星  
之芒寒色正者也秉彝好德固人之所同人道敏政  
地道敏樹於賢太守之有猷有為良足徵焉公名帖  
木列思字周賢康里人故平章軍國事贈純誠佐理  
同德翊戴功臣追封東平王之孫陝西行中書省平  
章政事忠定公之子世篤忠貞勲業行實載在國史  
公累遷清要而居斯任觀其勇於見義樹功吾道而  
克濟其美淵源有自來矣杭之人士相與言曰是舉

也官無廢事民不知役而吾黨與有光焉其可無述  
以教公功乃斲石樹碑以圖不朽予寔提學江浙徵  
予文以志之不敢以膚陋辭繫之詩曰

維昔盛時 建學立師 以立治本 以崇化基  
學必有廟 聿嚴祀祀 重簷複殿 神靈爰處  
東南都會 甲郡維杭 首善之地 萬民之望  
更化云初 未遑改作 因陋旣久 靡究靡度  
斯學斯廟 具體而微 廢興殊致 倚伏一機

變生不虞 竟燬于盜 煨燼灰寒 孰念厥紹

天錫賢侯 維蕃維宣 嘉惠斯文 不忘不愆

乃亨其屯 乃傾其否 瓦礫之場 化而棟宇

昔黯今煥 昔圯今崇 多士稽首 太守之功

我為銘詩 勒此貞石 宣昭義聞 永永無斁

至正十五年 缺月缺 日杭州路同知朶羅 治中成

大用 判官張思誠 推官楊維 經歷王明善

知事丁鉞 照磨解復 郡史楊迪 郎叅沈博 王維

賢吳天瑞 東南錄事達魯花赤阿老瓦丁 吏  
完顏本仁 教授賈天祐 學正胡黼 學錄楊  
英 直學鄒斯承 學吏計禹疇夏文裕立

杭州路重建廟學記

翰林待制奉政大夫兼國史院編脩官孟昉撰  
承事郎江浙等處行樞密院經歷林鏞書

榮祿大夫江浙行宣政院使廉惠山海牙篆額

至正辛丑冬十一月宣聖廟火學宮齋舍罄為焦土

江浙省丞相達識帖木邇平章張士信大懼教弛乃  
召郡侯夏思忠曰二帝三王之盛命契為司徒敷五  
教周建辟雍繼世迄至君天下者相承不墜所以明  
人倫厚風俗培植後進為他日治平之用其來尚矣  
又朝廷以六事課守令殿最學校居先庸可緩乎侯  
曰斯牧伯之職也丞相首出白金為兩五十錢以錠  
計若干平章給米以石計若干太守割俸金鄉義發  
私藏皆樂為佐役費雖一木一瓦不徵諸民於是躬



率羣僚虔卜穀旦鳩力僦功荷畚鍤輦灰燼瀉材於河伐石於山趣梓人據式圖其製匠師執尋度其用廣袤合度脩短適宜斤者斲刃者削巧者施其巧力者施其力拓垣堦以宏其基積土石以隆其址禮殿歸峙衡為間五縱亦如之而差淺夾室廡序合應門為間五十有七飾以金碧錯以丹堊闌檻旁午陞級森豎廟貌端肅儼若在上采服施彰悉遵儀制從祀諸賢世次位列百一十九人衛以朱籙門之南東西

相向各構室四楹為三獻監禮官幕次又少南為門  
二楹題曰泮宮門之衝鑿泮瀦水若缺跨石梁於上  
以便往來又少南為朱門三表王儀也廟之東為神  
厨其楹四西為明倫堂計間七厦如堂數軒少堂之  
四設講席以嚴師道左右齋儀門及別門為間三十  
有九堂之北構重屋三楹為貯書所教授有廨正錄  
有居貢莊有粟師生有餽庖湍廩庫一無所缺尊罍  
爵洗簋簠豆之屬二千百有九鏞球琴瑟祝敔鼗鼓

鼓之屬若干皆如禮以定其數新禮生樂工服若干  
襲提編氓籍戶為樂二十有八括其所費米石錢緡  
日工皆以萬餘計經始壬寅冬越癸卯秋就緒於戲  
是蹟也始以兩相孜孜興學之善終以賢侯疊疊究  
心之勤副以僚屬循循毗贊之力俾四代之制翦焉  
一新其雄偉壯麗甲東南為傑觀者可謂知為政之  
先務無媿德於他郡矣抑嘗維之時有理亂事有難  
易杭為故宋行在所當承平之殷民庶物阜有志於

斯者尚慮不易矧橫罹兵燹之餘師旅未戢彼圖功  
利於一時惜治體而瑣瑣者方視為不切苟非才大  
夫之有能有為知教道結人心之不淺者顧能先樂  
育菁莪之地躋髦士於成德達材之域哉君子是以  
知夏侯之優於為治也予姑叙興造顛末之實刻諸  
珉石告後來者之無壞至於贊夫子之道則凜乎先  
儒愚惑之誅故不敢輕言以及時董工持總者杭州  
路治中李脫歡奉直知事韓元璧照磨姚翥郡史陸

巽朱珍督役者杭州路推官丁鉞經歷劉良臣嘉興  
路知事張昇將仕郡史梅君禮受計材料者東北隅  
典史鍾德王敬知肖聖像者諸暨州知州齊雲漢奉  
訓郡吏徐完璧皆與有勞焉同任勞者教授別貼達  
理月沙學正姜讓直吏孫復可陳榮祖張元英 至  
正二十四年 缺月缺 日杭州路達魯花赤怯烈失  
亞中 按攤不花承德薛爾吉思 杭州路總管  
高禮亞中 陳忠奉議 同知梅英 治中樊玉

奉議立石

西湖書院增置田記

將仕郎前建康路缺和縣尹湯炳龍撰

將仕郎前江浙等處儒學副提舉白珽書

集賢殿大學士榮祿大夫廉希貢篆額

古者之興學校一以教養為先務而養又先於教也  
記王制論虞夏商周之上下庠必先言國老庶老之  
養有虞氏以米廩名學匪專為染盛之委而設而養

士或先焉庠之義亦養也孔門五秉九百之與弟子  
猶賴聖師而食而欲授孟子室者必拳拳於萬鍾之  
養而後及夫國人之有所矜式蓋士得其養則置身  
禮義人人皆思為聖為賢為君子為善人於是政化  
行而習俗美是養之者所以教之其機括正在是矣  
西湖古無書院自至元丙戌徐廉使改舊壁庠為之  
創建之初恒產缺然越二年松江瞿運使嘗一再助  
田合肆百伍拾叁畝肆拾陸步歲得米壹百叁拾石

院中經費浩瀚延祐戊午續置杭之仁和田陸拾捌畝一角收米伍拾肆石陸斗猶未給用次年周廉使特為勸率有高賢樂助者并取補刊書板餘力及以贏糧轉售共得中統鈔六百餘錠於是憲府知事趙將仕與經歷宋從仕建識增置力言於廉使及闔司官同主其說僉曰是當為者遂置湖州烏程平江崑山二莊共田拾壹頃貳拾玖畝三十五步有零歲除優放實收米柒百伍拾貳石壹斗一升五合山地共



貳拾壹畝貳角壹拾步房廊壹拾貳間歲得租錢中  
統鈔貳錠叁拾捌兩玖錢捌分自此春秋祭奠師生  
廩膳興蓋補葺一皆取給於此近歲以來誠為創見  
之舉今憲府長貳皆昭代名公他日增益完成當不  
止是嘗謂吾道之盛衰係乎時學政之興廢存乎人  
係乎時者屬盛世文明之運存乎人者屬當路賢哲  
之官機緣相值之巧缺知吾道其大昌乎將見鼓  
篴踵堂挾策全集何啻四方人千而止使凡任風憲

者倣倣而行豈非天下儒風之大幸歟山長陳襄直  
學朱鈞及諸生欲寫之堅珉以傳不朽辭弗獲姑為  
述其槩云

府學藏書記碑

元明各有書目一碑  
名數甚繁今不備錄

尊經閣藏書記

杭會郡也華侈甲天下而學無藏書頒于廷者惟經  
惟四書惟性理惟孝順五倫官所置僅漢宋諸史瑞  
董學又明年請于按浙監察御史宋公公慨然曰吾

方石經是葺斯舉也盍並圖之夫有書而不讀君子  
病焉况無書乎於是出荆金貯于府時遣訓導林鳳  
鳴劉鈺徃求焉越三月書至約計萬卷經史子集秩  
然略備積藏于閣專訓導領之師生誦觀藉其出納  
惟謹其名數偁之石皆公命也旣成瑞進師生告之  
曰子知監察公之庠爾庠校者至且遠乎古之君子  
道足以表世則物而功化之盛極於康海寓涵養動  
參天兩地莫之尚也未有不學而成者吾夫子設教

故曰博約曰多聞見曰前言徃行畜其德從可知矣  
季路謂何必讀書直以佞斥之於戲讀書者學之始  
終也讀天下之書斯可與論天下之事矣此監察藏  
書之意也公嗣名卿家學持憲侃侃博聞好古藻翰  
瓌瑋非世俗吏可能故舉措廩於風教若是爾師生  
乃遇哉有言者曰求道者五經四書足矣奚以多為  
多言者道之害也嗟乎此非知道者信斯言也淫哇  
鄭衛詩所宜刪宋萬許止春秋所宜削吾夫子不然

豈獨無意也故曰道無往而弗存言非眇而可略夫  
經者天也史者四時五行也諸子集者萬彙也天者  
道之原也宰物而不宰於物者也四時五行經緯乎  
天而不容已者也迺若萬彙斯微矣飛者躍者織者  
鉅者蠢而動者各聲聲色色於覆幬雖或暴戾恣  
睢以逞天亦莫之絕也其諸子集之謂乎簡之裁之  
神而明之存乎其人耳故曰為天地立心持是心以  
讀天下之書無難矣讀書之要子朱子告其君者具

在爾師生其從事焉知府留侯志淑以記請謹書之  
使後之求公者有考也 中憲大夫浙江等處提刑  
按察司副使奉勅總理學政前翰林院檢討修國史  
兼經筵官西蜀劉瑞記

宋太學寧遠記

篆

寧遠記

三字平列  
字徑五寸

開禧二年今兵部侍郎戴公溪為司成有李迪功壽  
朋者老矣不仕養於學謁司成具言太學有義塚久

弗葺司成樂聞之亟訊其顛末云昔淳熙間故待制  
張公宗元以所得分地七畝餘棄之學以葬遠方士  
子之不幸而死者名廣惠山出清波門並城而南過  
劉寺五六里道梯子領步漸高坡壠相屬至方家塢  
即其所也山之東為官衢西直循王府山其南接民  
家方氏墓北距郎主簿山廣袤十有五丈幽靜閒寂  
面勢頗稱舊有守者廩稍不繼棄之去以故殯者少  
地並不治司成命學錄李君元白孫君瀾往視之舊

殯凡九各有表記喟然歎曰朋友死無所歸於我殯  
是非學校之責乎乃哀金錢加修焉即土周而甃以  
石循山址而繚以籬徹舊門而改作之增為三間以  
備時祀之所廣出入之路復命守者給以券食既成  
祭以安其神又定津送之費官以給之制時祀之式  
使歲舉行之榜曰寧遠司成之惠甚渥也嗚呼士不  
幸而死又不幸而貧或遠不能以歸葬則殯於此者  
豈不愈於寄之僧舍乎朋友致歲祀墓丁供洒掃政



使有家殆不過是昔延陵季子葬其子於贏博之間  
三號遂行孔子以為合於禮然則斯殯也而遂葬亦  
豈不可雖然庸廩不繼時祀不修則朋友義廢而寧  
遠之意荒矣尚其永念之哉 嘉定元年九月日國

子司業王介記國子錄陳一新書

上層字  
徑一寸

條目如后

一每歲清明舉錄前期關諸齋每齋率錢叁鏹省委  
公厨具雞黍之屬至日舉錄一員輪請長諭二員同

詣義塚致祭遇晴則行其儀用雞黍從食果子共十  
豆酒各三酌墓神用雞及果子共三豆酒亦三酌並  
備祝文香茶之屬祭畢以所饌給墓丁并隨行僕從  
原造長卓二隻用畢仍寄留墓丁家

一兩學生員有不幸身故家貧地遠合葬義塚之人  
本齋長諭保明申舉錄備申本監請官會二十千充  
給砌等費委舉錄長諭及其鄉人營辦非就義塚安  
葬者不給葬之日請本齋集正直日送至墓所

一墓丁陳勝月給係轉運司給到小券一名專充看守不許本監人輒行攙阻如或運司給付不時許墓丁經監投狀本監即與施行

下層二十行  
字徑四分

碑額

武林弭災之記

篆書六字三  
行字徑四寸

### 武林弭災記

至正二年四月一日杭城大災燬民廬舍四萬有畸  
明年五月四日又災作於車橋火流如烏宇如楮衝  
所指即炎勢且偏西湖書院在官正徒奔走莫遑救

武守府守雖庀而無所於用肅政司在院東於時憲  
副高昌翰樂公覃懷李公憲僉大名韓公暨知事廣  
平張公照磨睢陽張公齊面火叩首曰火寧焚予躬  
勿民災也言一脫口風從西北轉東南若有神幟煽  
而返者鬱攸焰及院北垣即銷滅沉去又若金支赤  
蓋度河而溺也繇是院與司皆安堵如故而城郭郊  
保賴以安全院之山長毗陵錢瓊偕城中高年尋余  
西湖之陰請紀其事辭弗獲則為之言曰迅矣哉

天之以火警人也敏矣哉人之以心迴天也當鬱攸  
之勢卷土而至雖水犀百萬之兵莫能敵也而憲府  
官并心一念臯及于躬憂及乎民而反風滅火之應  
捷於景響昔子產曰天道遠人道邇人遂以天為虛  
無曠邈不與人接不知其遠者在其道之邇者耳故  
閱釁于灾而知有天道者以此於乎吾觀劉昆事而  
徵於今仁人一念之利索於無為者固優於丈城表  
道之力夫火者哉宋璟都督廣州民居無延燬且為

立紀頌今風紀者之德為出政之本足以迴天弭變  
於是乎知有天道固宜詳錄其官氏登諸貞石以風  
勵有民社者使知人之感天者至敏而天之應人者  
至近不遠也於是乎書賜進士出身承事郎前台州  
路天台縣尹兼勸農事楊維禎謨文林郎江浙等處  
儒學副提舉陳邁書奉政大夫江浙等處儒學提舉  
班惟志篆蓋至正三年十二月望日耆儒朱慶宗張  
慶孫教導葉森姚潛儒職葉寶孫張榮老盛明德

陳珪殷弘毅家鼎孫范儉孫陳洎孫吳楨直學朱儼莫  
維能學吏葉庭桂耆老呂大榮徐承德沈從善張翥劉  
道隆顧德潤程德晉吳元澤沈富仁蕭德誠等立石

碑數

吳卽陳  
鑑集

陝西碑

一百十  
八種

河南碑

七十  
三種

山東碑

八十  
四種

山西碑

十三  
種

北直隸碑

二十  
八種

南直隸碑

一百三  
十四種

浙江碑

二十  
八種

江西碑

二十  
種

福建碑

種一十

湖廣碑

種六

四川碑

種一十

廣西碑

種一十

廣東碑

種四

碑目終

陝西碑

益州太守無名碑

漢隸有碑陰

益州太守城壩碑

隸

是邦雄傑碑

隸

仲秋下旬碑

隸

縣三老楊信碑

和僖三年刻

石經尚書



石經魯詩

石經儀禮

石經春秋公羊傳

石經論語  
熹平四年蔡邕隸書刻在鴻都門外

今殘缺在西安府學壁

魏三體石經

左傳遺字

嶧山碑  
李斯篆鄭文寶翻本一行十字元朝亦有

翻本

漢衛尉衡方碑  
無書撰人名

李陽冰千文  
篆

三墳碑  
李陽冰篆

先塋記  
李陽冰篆

多寶佛塔銘  
岑勛撰顏真卿書徐浩題額在

西安府學

玄秘塔銘  
并序柳公權書并篆額裴休撰文會

昌元年十二月廿八日建

醴泉銘

即九成宮歐陽詢書宋榻不斷

昭仁寺碑

歐陽通書詢之子也

皇甫君碑

歐陽詢書字多損缺元有翻本

化度寺碑

歐陽詢楷書

孔子廟堂碑

虞世南書

聖教序

唐太宗製沙門懷仁集王羲之書宋榻半字不損者

實際碑

釋懷素書

聖母碑

懷素草書

藏真律公帖

懷素書絲字

消災咒陰符經行

書

筆陣圖

王羲之行書唐人偽書

真草千字文

僧智永書大觀己丑薛嗣昌記下

有直方剛翫後有永慶永壽同鐫等款者為鐵門限帖如無者為漕司南廳翻本今亦有新刻本在吳江

草書千丈

張旭書今亡缺過半

草書千丈

懷素書大小三種大者極佳小者字

體促

陰符經

郭忠恕篆隸三體

六書偏旁

僧夢英篆郭忠恕跋

十八體書

夢英篆

沙門惠

缺詩隸注

孔子廟碑

僧夢英書篆字

韓子五箴

宋寂篆

破邪論

虞世南撰并楷書

金蘭帖

歐陽詢書六十字

搥衣篇

僧彥修草書後附張旭肚痛帖

坐位帖

顏真卿書有米海嶽臨本

祭伯父濠州刺史文

顏真卿書

祭杲卿十三姪文

顏真卿草書

顏氏家廟碑

碑四面環轉真卿文并書李陽

水篆  
額

篆書千丈

夢英

宋教興頌碑

唐英篆

懷素自序文

草書前六行蘇舜欽補有魏良

臣跋上有建業大房印在三原縣

詛楚文

久湫巫咸亞駝凡三種文並同而神名異

金剛經

懷仁集王羲之行書在西安府雁塔下有興唐寺中鄭虔題額

虞恭公碑

歐陽詢書在宜祿巡檢司

雲麾將軍碑

李邕書在西安府華州蒲城縣

梁國公主碑

明皇書縣東北十五里俱蒲城縣

資聖寺額

殷仲容楷書在崇仁坊

唐李抱玉墓碑又廟碑

顏真卿書

在杜永村俱長安縣

唐郭敬之墓碑

蕭華書

唐郭敬之家廟碑

顏真卿書並在咸寧縣郭庄

宋武公游師雄墓

邵鮒書篆額在成德堂壁中

唐昭陵六馬贊

歐陽詢八分書在縣北太宗廟中

岐國公家廟碑

張弘靖書篆額在安上街西廟中

唐誠節馮昭泰碑

梁昇卿八分書玄宗篆額寢廟也在慈恩寺

唐請立馮公碑

張堅題額紹正八分書在慈恩寺

遺教經

小楷書在弘福寺

金剛經

小楷書鄭虔題額在府東興缺寺

聖教序記

褚遂良書在同州學

大禹祠碑

在同州邵陽縣龍州山祠堂

唐三藏法師塔碑

僧建福行書

蘭亭詩序

褚遂良書在同州學後

唐報本寺碑

侯翊書在寺中

唐信行禪師碑

薛少保書在百塔興教禪

院

唐圭峰定慧禪師碑

裴休撰并書在

同州學堂中

唐淨住寺釋迦佛碑

崔行恭文隸書

在開元寺塔院

上京薦福寺碑

韓擇木書史惟則篆額在

景風街上仁王寺中

秦相樗里子墓碣

張行誼書在省街西

廂又碑亦行誼書在墓前

唐昇玄先生碑

柳公權書在寶應宮

唐玄度十八體書

在香城寺

唐一行禪師塔碑

明王文書在灞橋東

原上

臧氏糾宗碑

顏真卿書

臧氏故宅碑

顏真卿書  
在三家村

唐尚書臧懷恪碑

顏真卿書并撰光祿寺卿李秀篆額在三原縣

唐羽林大將軍臧懷亮碑

李邕書

唐武衛中郎將臧布忱碑

韓擇木八分書

唐贈揚州都督臧布晏碑

韓秀木八分書

唐果毅都督臧崇碑

已上俱在三原縣九城坡臧氏墓上

唐旌儒廟碑

顏真卿文張行書在富平縣西四十五里

西岳華山碑

漢郭香察隸書在華陰縣華山廟漢碑書名者獨此碑弘農太守修廟

李光弼墓碑

顏真卿文張行書

復華下民租詔碑

并碑陰俱隸

摩利支天大字

唐立伯夷叔齊碑

梁昇卿撰并書

漢孝子蔡順墓碑

渭南縣二十里

張說西岳華山碑

開元十二年立

漢華山堂闕碑銘

張旭八分書碑陰人名

華州使院石柱記

趙駟文

華岳題名

華山亭碑

衛顗隸書光和元年戊午立陳搏睡處

邠國公功德碑

楊承和撰并書

華山石闕銘

祠後苑中



西岳華山碑銘

明皇八分大字四寸雖殘缺甚好

華山城公廟碑

光化二年立在州東廟中

南北二廟華北真君祠

有石碑九通華陰縣

金天王廟題名

顏真卿書

漢四皓神機字

廟在鄭縣舊屬華陰

漢劉黨碑

漢司徒劉竒碑

多寶寺實因法師碑

歐陽通書

仙人唐公房碑

隸書在漢中府城固縣西

村

楊震墓碑

墓在華陰縣東二十五里諸子孫皆

有碑凡九通碑陰合刻門生故吏名氏今屬壽鄉縣墓在兩縣界上

司隸校尉楊厥斜谷碑

隸書在漢中府

唐國子祭酒曲阜憲公孔碑銘

顏達也貞觀二十一年立其書類虞世南

高昌王墓碑

陝西行都司梁州衛巉子山書

第二山大字

朱芾書在終南山鼓樓觀

唐姜嫄公劉新廟碑

高郢撰張誼書

孝經

唐玄宗隸書末有草書御跋四大碑後

唐贈榮州刺史碑

唐張頌行書在三原

縣墓上

幽州昭仁寺碑

朱子奢撰字甚工不言書

人名氏子奢吳人唐史有傳

唐西平郡王李晟神道碑

在高陵縣墓上裴度撰

柳公權篆額并書

唐宋文貞公神道碑又碑側

記

俱顏真卿撰并書  
在沙河縣墓上

王羲之十七帖

三種二本比  
小字釋文佳

河南碑

桐柏淮源廟碑

隸書桓帝延熹六年正月八日乙丑立在唐縣

楚相孫叔敖碑

隸書漢延熹三年立在延津廩延駟

魏受禪碑

隸書世傳與尊號並梁鵠書顏以為鍾繇書在許州

漢議郎元賓碑

在亳州

金劉碑

在穀熟縣

老子銘

在亳州太清宮今鹿邑縣中

漢山陽太守祝睦碑

歸德府虞城縣

祝睦後碑

漢幽州刺史朱龜碑

隸書在亳州樵

縣

漢費亭侯曹騰碑

隸書在亳州

魏大饗碑

隸書在亳州樵縣

漢太邱長陳寔壇碑

隸書在歸德州

永城縣

國三老袁良碑

隸書在開封府扶溝縣一

云在太原縣

漢沛相楊統碑

隸書建寧元年立在陝西

閿鄉縣

漢北軍侯郭仲奇碑

隸書建寧五年

立在濟源縣

故民吳仲山碑

隸書熹平元年立

漢繁陽令楊君碑

碑陰亦隸書熹平三年立在閿鄉縣

漢太尉劉寬碑

隸書中平二年立在洛陽上東門後碑亦隸書

漢園令趙君碑

隸書初平元年立在鄧州南陽縣文廟

漢張平子碑

在鄧州西鄂縣有崔子玉篆書墓碑

漢金城太守殷華碑

鄧熒撰一作衛覲在虞城縣

漢冀州從事郭容碑

在濟源縣中平元年立

遺教經

在歸德州

蘭亭叙

在歸德州褚遂良臨本

孝烈將軍廟碑

魏木蘭女也在歸德廟中

天祿辟邪

在南陽鄧州宗資墓前石獸膊上

洛陽石柱銘

在洛陽建春門外雙石柱上

五部神廟碑

在鄭縣城南  
山北廟前

司空宋慎碑

隸書熹平二  
年立在鄧州

書錦堂記

蔡襄書在  
彰德府

汝帖

在汝州  
有新帖

元吉墓碑

顏真卿真書  
在滎陽縣

顏母陳夫人碑

顏真卿草書  
在鄧州內鄉

縣

漢洛陽令董宣廟碑

在洛陽

漢邊韶碑

蔡邕書在開封府  
東北五里墓前

周太師尉遲迥廟碑

顏真卿銘蔡有鄰書  
碑陰在彰德府城中

漢陳留太守程封碑

在開封府  
東二里墓下 縣

漢尹宙碑

漢隸中一孔四十孔旁有篆書從  
銘二字前無題後無書撰人名

漢董龍碑

隸書在開封府東北墓上

漢邊讓碑

隸書在開封府

漢袁騰碑

在太康縣

魏袁渙碑

在太康縣

八關齋碑

顏真卿書

相國寺碑

宋吳郢書

漢光武帝碑

在汝州汝墳縣

竹邑侯相張壽碑

歸德州武城縣

殷比干墓

在衛輝府汲縣土城古冢

封比干墓銅槃古冢

在衛輝府

漢西平令楊期碑

文字漫滅芝虎完在尉氏縣西南四十里

漢征

缺

大將軍楊瑾碑

在尉氏縣三亭鄉路村

魏鍾繇碑

在尉氏縣西北三十里蔣成卿今割屬中牟縣

魏隱士程冲碑

在開封府封邱縣西南四里

魏酸棗令母邱悅碑

悅字抱僖在延缺縣

魏何伯申碑

在陳留縣東五十里

漢太尉掾橋載碑

在宋城縣五里

漢繹幕令碑

在宋城縣東

漢喬玄碑

在宋城縣司徒崔烈立

漢僕射荀公碑

在長社縣東北七里墓前

漢南陽太守秦君碑

在南陽縣

魏章陵太守呂君碑

在南陽縣

陳留索昏上里社銘

東書堂帖

周府臨凡二十卷出一手不佳

蘭亭臨本并圖

周府臨再刻

隋左屯衛大將軍左光祿大



夫姚恭公墓誌銘

姚辯也虞世基撰歐陽詢真書

唐洛陽令鄭敞碑

薛稷撰并書

唐杳冥君銘

墓在少室山薛稷撰并正書

唐嵩岳少林寺碑

裴漼撰并真書在登封縣少室山麓上有唐太宗書御名三字草書

唐少林寺靈運禪師塔碑

崔琪撰沙門行狀書

少林寺戒壇銘并序

三藏法師義淨製張傑書開元三年正月十五日立

漢玄儒先生婁壽碑

在南陽隆中

唐達奚珣遊濟瀆記

達奚珣撰薛希昌書在濟源縣

唐濟瀆北海壇器物銘

張洗字濯纓撰

嵩岳中天王廟碑

孫崇望書開寶六年立

山東碑

帝堯碑

靈帝熹平四年立  
在東曹濟寧縣

濟陰太守孟郁修堯廟碑

元年立

成陽靈臺碑

建寧四年立  
在濟陰縣

孔廟置守廟百石孔和碑

永興元年立  
在曲阜縣字殘缺

魯相韓勅造孔廟祭器碑并陰

永嘉三年立  
在曲阜縣

韓勅修孔廟後碑

西側題名

魯相史晨祠孔廟奏銘

建寧二年

立在曲阜縣

史晨饗孔廟後碑

漢謁者景君墓表

有碑陰安帝元初元年立在濟寧學中

郟令景君闕碑

元初四年立在濟寧學中

孔

缺

廟碑

永興二年立在曲阜縣

漢泰山都尉孔宙碑

延熹七年立在

曲阜縣墓前并碑陰門生故吏名

漢金鄉長侯成碑

建寧三年立在濟寧

縣

漢博陵太守孔彪碑

建寧四年立在

曲阜縣有碑陰

漢司隸校尉魯峻碑

熹平二年立在

濟寧學中即魯仲山也

漢郎中馬江碑

建寧三年立在濟寧縣

安平相孫根碑

光和二年立有碑陰在濟寧學

童子逢盛碑

光和四年立

漢光祿勳劉曜碑

在鄆州垣城縣

漢執金吾丞武榮碑

在濟寧縣

漢敦煌長史武班碑

義井碑

麒麟鳳凰碑

魯相謁孔廟殘碑

漢南陽太守秦頡碑

中平二年立

平原東郡門生蘇衡等題名

漢隸

范式碑

隸書即廬江太守范府君碑青龍三年立在濟寧州

郎中王政碑

元嘉三年立在濟寧

平輿令薛君碑

延嘉六年立

防東尉司馬季德碑

漢隸

秦泰山石刻

李斯篆在泰安縣泰山上今存

二十  
九字

秦嶧山石刻

李斯篆在密州高密縣琅邪山

秦琅琊石刻

李斯篆今翻本在鄒縣

北海相景君碑

順帝漢安二年立在濟寧

任城縣隸書有碑陰

齊太公碑

在汲縣漢隸

孔子墓前石壇上刻文

漢隸

子思墓西石壇上刻文

漢隸

魯諸陵石人胸前字

漢隸

漢故樂安太守慶君碑

魯郡太守張府君碑

真書在曲阜孔廟

李白遊泰山六詩

篆書在泰山上

周公廟碑

在曲阜孔子廟東漢隸

伏羲廟碑

在兗州府曹縣漢隸

李剛碑

在巨野黃水南

鄧艾碑

隸書在兗州府

竹溪四絕句

黨懷英篆書在濟寧州戟門西

壁上

黃石公廟碑

在東河縣

太白酒樓記

篆書在濟寧州子城樓下

太白祠堂記

在濟寧州

茶泉銘

黨懷英書在曲阜

神靈洞

劉燁書在曲阜

漢東方朔畫像

并碑陰記顏真卿真書在德州陵縣翻本模舊本精

秦之罘石刻

李斯篆在登州文登縣存二十一字

孔子手植櫨贊

米芾行書在曲阜字多模糊

房定公墓碑

玄齡也歐陽詢書在濟南章邱縣

栖霞阡表

子昂書在金鄉縣

唐有道先生葉公碑

李邕書在金鄉

縣

漢郎中鄭固碑

隸書延嘉元年立在濟寧

州學

壯觀二大字

李白書在金鄉縣今翻刻在濟

寧州城樓上

漢穀城長張君碑

張遷也隸書在東平

縣學

鄆州學田記

隸書在東平州學

漢兗州刺史李伯茂碑

在濟州

漢堯母廟碑

在濟陰縣

漢封觀碑

在項城縣墓前

魏邴原碑

在安邱縣西南四十五里墓前

魏孫炎并妻碑

在長山縣西南三十里長白山

魏封孔羨為宗聖侯碑

曹植撰  
梁鵠書

漢孔彪碑

在曲阜  
墓前

漢司農孔峽碑

漢尚書郎孔宏碑

漢御史孔翊碑

漢博士孔志碑

已上並曲阜  
墓側

漢尊士倪壽碑

在曲阜  
縣南

漢魯韓敕復顏氏繇役碑

永壽二年立  
在孔廟中

漢沛令田君德政碑

在沂州

魏羊續碑

在兗州府

漢侯伯咸碑

在單父縣

魏太尉滿寵碑

在金鄉縣

漢右司馬城鐵碑

在金鄉縣

魏管寧碑

在安仁縣西南  
五十里墓前



漢安平相孫君碑

在高密縣

漢孫嵩碑

在安邱縣

焦公墓碑

沂州普照禪寺興造記

集唐柳公

權書伊川程曄題額陶仲汝尚撰陶仲汝義刻

### 山西碑

絳帖

在王府

堯碑

在平陽府汾水東原上

郭林宗墓碑

建寧四年立在介休縣漢隸

魏馮勅碑

在潞州上黨縣南墓下

魏陸嚴碑

在上黨縣西墓下

魏并州刺史王恒碑

在絳州東南二里墓旁

漢敬歆碑

在正平縣北二十里墓下

魏車騎將軍穆祚碑

在介休縣南墓

下漢隸

碧落天尊碑

篆書在絳州天尊背上

者亡之久矣今傳者係後人翻刻于石者

荀藐碑

在榆次縣

韓信廟碑

在靈石縣霍州界山上

漢郭有道碑

蔡邕撰隸書在普縣

移置興唐寺碑

許景先撰主僧師缺書聞喜令子光庭移立

北直隸碑

石鼓文

史籀篆共一十六鼓潘迪音訓在國子監大成殿門上

座位帖

顏真卿草藁在國子監子昂臨本

蘭亭叙

子昂臨在國子監

黃庭經

子昂臨在  
國子監

樂毅論

子昂臨在  
國子監

金丹四百字

子昂書在  
國子監

草書千丈

唐僧亞栖書在國  
子監自稱云飛鳥

出林驚  
蛇入草

贊皇壇山石刻

史籀書在趙  
州贊皇縣

宣公碑

蔡邕隸在  
真定府

東岳廟張留孫碑

在大興朝  
陽門外東

岳廟  
對門

漢淳于長夏承碑

蔡邕八分  
書建寧三

年立在廣  
平府學

白石神君碑

隸書光和二年  
立在真定元氏

縣  
學

無極山碑

隸書在真定藁城  
縣光和四年立

燕然山銘

漢隸在  
宣府

漢小黃門譙敏碑

中平四年  
立在冀州

棗強縣

唐雲麾將軍碑李秀也李邕書在良鄉縣

今徙學中止存上半

三公山碑在元氏縣光和四年立

封龍山神碑

在元氏縣西五十里光和四年立

北岳恒山碑

蔡邕隸書一云蔡有鄰書在定州曲陽縣

漢北岳安天王碑

在岳廟中

漢上谷太守張神碑

定州安喜縣東

六里

魏中山太守常通碑

在州城二里

漢賈敏碑

在棗強縣東北三十里

漢劉盆碑

在祁州深澤縣墓前

韓延壽碑

在宛平縣

唐太尉朱懷珪碑

元載撰李融書在昌

平縣

慶壽寺碑

金黨懷英八分書  
正統間惜為中官

所毀

隋龍藏寺碑

齊張公禮撰無  
書人姓名在真

府定

南直隸碑

小字泰山碑

在應天府學  
戟門壁上

東海廟碑

漢隸熹平元年立  
在淮安府海州胸

山縣廟中

溧陽長潘乾校官碑

隸書在  
溧水學

中光  
和四年十月朔廿一日己酉造

歌風臺碑

曹喜篆在沛縣  
泗亭翻本不佳

許由廟碑

在潁川  
樊山

庶子泉

李陽  
永篆

漢高祖公頌

王通篆

謙卦

李陽冰篆存大小三種在太平府人家庭壁上

晉平西將軍周府君碑

王羲之真書在宜興縣東周王廟中後人偽作

瘞鶴銘

在鎮江府焦山之足梁陶弘景真書

三段碑

皇象八分書在應天府學戟門上

李西臺翻本繹山碑

元李處巽翻刻每行三字在應天府學

穎考叔碑

在穎上縣

符讀書城南詩

朱協極隸在蘇州府學

酒德頌

缺魯卿篆在蘇州府學道山高壁

敬齊箴

朱協極隸在蘇州府學

草書千丈

宣和殿御書在蘇州府學

食時五觀

黃庭堅書在蘇州府學

生公講臺

李陽冰篆四碑缺一字嘉靖中天水胡纘宗守蘇時補刻今在虎邱寺

虎邱劔池四大字

顏真卿書在虎邱寺劔池畔又有蔡襄書在觀音殿石壁後字更大

心經

章友直女篆在滁州琅邪山其女適著作郎黃元

醉翁亭記

蘇軾書在滁州

有唐茅山玄靜先生廣陵李

君碑

顏真卿撰并書在句容茅山

唐故道門貞素先生缺君碑

徐鉉撰

卿威儀碑

白鵲廟

柳識撰張從申書

茅山紫陽觀碑銘

徐鉉撰楊元鼎書在

玉晨觀

玄靜先生碑

李陽永篆額柳識撰文張從申

書世謂之三絕已上並在茅山

揚州龍興寺法慎律和尚碑

李華文李陽冰篆額張從申  
書僧有重望世謂之四絕

草書千丈

僧納菴書在蘇州靈巖寺末有晉陵孫仲賢  
跋正統中織造太監移入北府廢圯無存

行書千丈

子昂書在華亭縣碑碎  
今翻刻有僧善啓跋

度人經

子昂小楷在  
鎮江府學

延陵季子之墓

孔子篆在  
丹徒縣

漢高祖感應碑

在杞縣北延  
熹十年立

項王亭碑

徐鉉篆在  
和州烏江

漢劉熙碑

在徐州

魏長安劉世碑

在彭  
城縣

寶晉齋帖

在無為  
州學

娑羅樹碑

李邕  
書

刺史廳記

李華文  
在常州



惠山寺碑

獨孤及文在無錫縣

惠山泉記

陸羽文在無錫縣

七姬權厝志

宋克書張羽撰碑碎無存

光福塔記

子昂書

能仁菴記

子昂書

聽誦法華經歌

子昂書

遺囑

子昂書在能仁菴

左太冲詠

子昂書在接待寺壁

蘭亭記

大小二本子昂書在接待寺壁

天妃宮碑

柯九思書

樂善堂帖

子昂書在崑山陶家內有姜堯章并盧欽字正德中土中所得碑

懷素自叙

陸氏水鏡堂本精絕丈三橋臨上石余有汪氏黃氏翻本欠精

鍾繇帖

無錫華氏本妙內與袁生帖同卷即真賞齋帖余有翻本二三刻俱不妙

袁生帖

王羲之書在無錫華氏

十七帖

王羲之書蘇郡守胡續宗翻刻後有數字

前出塞詩與俞仲幾書

在松江府宋克書

米元章詩

在松江府

言偃祠堂記

子昂書在常熟縣

四體千丈

元俞和書在陸氏水鏡堂

真草千丈

元鮮于伯機書在松江府

蘭亭十三跋

子昂書在吳江崔家碑斷正統間楊政刻未有陳實跋

鐵佛寺鍾銘

子昂書在松江鶴砂報恩院

御書閣記

洪邁書在蘇州府學

重修夫子廟記

米友仁書在大成門左廊

壁上翟者年篆額妙絕

常州府無錫縣北禪壽聖院

記米元章書

明徵君碑在棲霞寺

楊仲弘墓碑

夔子山書在蘇州府學

棲霞寺碑

江總撰字體同聖教序在南京攝山

二王帖選

本刻在溧陽史氏即江陰湯氏摹本別有章氏葉氏刻者下上之分

孫過庭書譜

在常州橫林鄭氏

文氏停雲館帖

總十一卷自晉唐至今朝

嵩陽帖

東坡書在宜興

定武蘭亭

文氏休承刻在家

宣示帖定武帖

松江顧中書刻

蘇黃米蔡帖

在無錫華氏

漢荊州刺史度尚碑

在徐州文滅惟存碑首丈九字

伯夷頌

范丈正公小楷在書院後有宋元名公跋

義田記

元趙仲穆書  
在文正書院

文正書院記

李處巽  
隸書

吳孫皓封禪碑

在宜興封禪山  
磨崖刻字尚存

吳紀功三斷石碑

吳天璽元  
年皇象書

晉侍中右光祿大夫西平靖侯顏公大宗碑

顏真卿書  
在府學

西平靖侯顏府君碑

真卿書  
在府學

晉建威將軍忠平縣公竺使君銘

在金陵鄉  
張陣湖

竺使君頌

在張陣湖  
石損斷

宋謝濤夫人王氏墓誌

在土  
山淨

名寺今移  
在上元縣

齊侍中尚書令巴東獻武公

碑

在黃城村

梁侍中司徒驃騎將軍始興

忠武王碑

徐勉撰貝義淵書在黃城村

梁散騎常侍司空安城康王碑

劉孝綽撰貝義淵書在甘家港

梁永陽昭王墓誌銘

徐勉撰在元縣

梁永陽敬太妃墓誌銘

徐勉撰在清風鄉路傍

梁臨川武惠王神道碑

在北城

梁侍中吳平忠侯蕭公神道碑

在清風鄉花林村

梁上清真人許長史齋館壇碑

陶弘景撰并書在玉晨觀劉以觀重刻

陳宮井欄題刻

在法寶寺西今亡矣

平陳碑

薛道衡撰虞世南書在石頭西

大唐棲霞寺齋會記

太和五年立

大唐棲霞寺律大師碑

大曆四年立

大唐重建開善寺記

在蔣山寺

大唐沈傳師齋源

徐鉉題名在棲霞寺

千佛嶺

大唐王法主碑

劉禕之撰在茅山崇玄觀

大唐茅山孫尊師碑

李德裕撰裴質書在玉晨觀

大唐華陽山洞景昭大法師韋君碑

陸長源撰實書在玉晨觀

大唐下泊宮記

王師簡撰段令緯書篆在玉晨觀

大唐許真君井銘

徐鉉撰并書  
在玉晨觀

大唐祠享宮白鶴廟記

柳識撰劉明素  
書在鴻臚院

大唐義女碑

李白撰在溧  
陽瀨陽江北

偽吳興化院銅鐘鑄文

在香  
光寺

偽吳矸石鑄文

在靖  
安鎮

南唐方山寶華宮碑

在方山  
崇真觀

南唐開元觀靖鍾記

在方山  
崇真觀

南唐寶華宮功德什物記

在方山  
崇真觀

南唐李順公神道碑

高越書在  
石頭城後

南唐蔣莊武帝廟碑

徐鉉撰朱銳  
書在蔣廟

南唐夫人易氏墓誌銘

在上山淨名寺

南唐李後主祭悟空禪師文

親書德度堂三字在缺涼寺

南唐開善寺井記

在蔣山寺

南唐義井欄刻字

在石頭城後七里館

棲霞寺殿記

在本寺高陟撰

南唐僧用虛棲霞寺詩

在本寺千

佛嶺

景祐重造蔣廟碑

凌陽撰在本廟

惠烈廟記

在本廟曹熙立

蔣廟祭文

蔣堂撰邵必篆在本廟

道元泉記

王安國撰在本廟

蔣山莊田記

僧贊元立

八功德水碑記

梅摯撰在蔣山悟真菴後



蕭帝寺記

元絳撰在法光寺

子隱堂記

梅摯撰在法光寺

白雲菴記

王安國撰在棲霞寺

寶禪師語錄序

朱芾書在半山寺

宋齊邱鳳凰臺詩刻

徐有貞書

范文正公書院記

徐有貞書撰

蘇州修學記

徐有貞書撰

虎邱斷梁殿內碑

沈度貞書

姑蘇驛碑

李貞伯真字

姑蘇周孝子碑

吳文定公寬書

定慧寺牡丹詩并歸去來辭金剛經

俱坡翁書不真

姑蘇開元寺戒壇碑

祝允明書火燬

望市墩葛可久碑

祝允明書

長洲縣學虞伯生集歐字碑

陸士龍祠堂碑

徐有貞書撰

三賢堂記

文衡山書在吳江城沈氏

清遠道士詩

在虎邱轉藏側壁內

章草急就章

在松邱學

墨竹賦

在松江陸家山谷書无尾一節

浙江碑

曹娥碑

二通王羲之小楷已亡久矣江陰翻大字在蔡卞行書在上虞縣

馬券

在嘉興府學蘇軾書

蘭亭記并圖

在山陰縣

射堂記

顏真卿書在長興縣

表忠觀碑

蘇軾書在杭州府

放生池碑

顏真卿書在長興縣

聖賢像贊

宋高宗製在仁和縣

五經石刻

在仁  
和縣

玄元十子之像碑

子昂書畫  
今在南

墩壁上  
石損

東岳行宮記

孟淳撰文子昂  
書在長興縣

七缺帖

子昂書尾有元袁文公  
跋在寧波府今翻本頗精

孔子廟碑

李陽永篆  
在縉雲

城隍廟碑

李陽永篆書在  
縉雲縣廟內

吏隱山諸石刻

碧瀾二大字

子昂書在  
湖州公館

徐偃王廟碑

隸書

嚴陵祠堂記

鮮于府君墓志

周砥撰趙子昂書并篆蓋  
在杭州楊氏乃方磚鐫此

唐天台山桐柏觀銘

崔尚撰韓擇木八分  
書唐明皇正書題額

漢堂邑令費鳳碑

二碑並刻在湖州府

張即之書碑

江西碑

麻姑壇記

顏真卿小楷在九江府吳郡翻三種皆不精

狄梁公碑

黃庭堅書在九江府彭澤縣今有翻本在臨江府

子昂書簡

在臨江府

示子手帖

子昂行書在臨江府學

四體千文

元右丞周伯溫書在鄱陽

脫去凡近

朱文公書在瑞州學

上帝臨汝無貳爾心

朱子書在撫州

禮義廉恥

張南軒書在廬陵學

歷代鐘鼎彝器款識帖

宋薛尚功

編次二十卷刻于九江府學

孝經小楷

今缺不全無書人姓名在吉安府學

孔顏像贊

元顏輝筆在吉安府學

醉翁亭記

歸去來辭

二通東坡書在南康

歸田賦

子昂行書在臨江府

瀧岡阡表

歐陽修作不書書人名疑公自筆在永豐

心經

在吉水清涼寺不著何人書

戲魚堂帖

劉次莊以淳化帖刻于臨江

玉枕蘭亭

小楷

戴叔倫遺愛碑

在撫州

月儀帖

自正月至十二月章草在臨江府學

福建碑

玉枕蘭亭

在福州府學

萬安渡石橋記

蔡襄書在泉州府海濱

千字文

元吳志淳隸書在福州學

出師頌

梁蕭子雲章草在福州學

光風霽月

朱子書于白鹿洞福州刻

畊雲釣月

朱子書

天光雲影

朱子書于雲谷

帝王聖賢將相像

元玉林居士刻于廬

峰書院閩中張士賢叙

荔枝譜

蔡襄書木板刻

淳化帖

有二刻行世又云有七十二刻

王趙帖

王羲之趙子昂書木板刻

湖廣碑

磨崖碑

唐元結撰大唐中興頌顏真卿書在涪州溪崖上有木榻本

易繫辭說卦

朱子書蔡元定刻凡八碑在明倫堂東壁逆行正統三年目漫滅知府周鼎重刻順

行末有教授廬陵劉慶跋

嶽麓寺碑

李邕行書字徑寸在衡山之麓後黃

仙鶴刻

城南書院四大字

張子徽書張南軒講

學之所在長沙府臨湘門

乾坤清氣四大字

松軒書在道州

太極圖說

在道州

拙賦

二碑宋趙師俠刻郡廳上拙堂周濂溪作後

隸末有跋向子郭

窪尊銘

唐元結撰顏真卿書在道州城外報恩寺

小石山顛有缺穴可為尊刻銘于上

陽華巖銘

元結作邑令瞿令問篆刻之崖上在

道州東南七里

碧虛洞三大字

一名嘉魚洞元結改曰無

為洞篆刻石上在道州永福寺東十步

秀山斗門四大字

宋龔隸為太守篆刻

在武陵辰溪西又劉海蟾玉帶河三大字

義井銘

漢靈帝光和三年隸書在隨州漢縣關下

舜子巷

峴山碑

晉羊祐歿後襄人思而立碑俗云墮淚碑

陰符經

潭帖

宋僧布白模刻于潭之郡齋

隋江夏縣

果道場磚塔下舍利記

無書撰名氏

四川碑

黃庭經

子昂臨在成都新津縣學

浣花草堂碑



干祿字書

顏魯公真書小字辨別字之正俗顏元孫作石刻在潼川州

益州周公禮殿記

漢隸在成都府

詹孟舉千字文

在蜀府

千字文

子昂書大者方尺石刻小者四寸木刻在蜀府

書法要覽

蜀府長史劉仲珩真書洪熙己巳七月石刻

石室畫像

太守張恢立漢魯公墓前後有跋

武梁祠堂畫像

諸葛武侯祠堂記

裴慶撰柳公綽書

廣西碑

羅池廟碑

在柳州沈傳師書

李衛公西嶽書

在柳州李靖布衣時所作

麓山寺碑

李邕書

九疑山碑

蔡邕撰并書

廣東碑

漢桂陽太守功勲碑

漢隸在樂昌縣

韓文公廟碑

蘇軾撰并書

南海海神廟碑

漢桂陽太守周憬碑

有碑陰在韶曲江廟中

六藝之一錄卷一百十一

欽定四庫全書

子部

六藝之一錄卷一百十三

詳校官中書臣陸 湘

貢外郎<sub>臣</sub>牛稔文覆勘

總校官檢討臣何思鈞

校對官編修臣沈清藻

謄錄監生臣朱上林

欽定四庫全書

六藝之一錄卷一百十二

錢唐倪濤撰

石刻文字八十八

顧南原碑考

魯孝王刻石

五鳳二年

今在曲阜縣孔廟中金

高德裔記曰魯靈光殿基西南三十步有池明昌二

年詔脩孔子廟匠者於池中得此石 其文曰五鳳

二年魯卅四年六月四日成共十三字金石文字記

曰五鳳二年者漢宣帝有天下之年也魯卅四年者魯孝王有國之年也上書天子大一統之年而下書諸侯王自有國之年此漢人之例也石墨鐫華云西漢石刻傳者絕少此字簡質古樸

建平郡縣碑

建平五年

字原云在永康按宋之

永康即今成都府灌縣又云此碑乾道初始出過永康紫屏二里道傍其石三面高卑凸凹刻隨其勢

其文共二十九字隸續云建平者哀帝之紀年其五

年已改為元壽此云建平五年者殆蜀道未知改元耳此碑却無篆體乃西京之佐書蜀中名之蠶崖碑字原云蔡邕追刻記作范功平磨崖復齋碑目作建平范功平治道碑

何君閣道碑

建武中元二年

字原云在雅州墨

寶云此碑出於紹興辛未在榮經縣以適邛笮之路也洪氏碑式云其文七行字數不等或六字或九字隸釋云范書光武之紀年二曰建武曰中元祭祀

志云以建武三十二年為建武中元元年東夷傳云  
建武中元二年倭奴國奉貢皆以即位初元冠於新  
歷之上故此碑有建武中元之文東漢隸書斯為之  
首字法方勁古意有餘蜀人以為尊健閣碑

路君闕

永平八年

未詳所在

隸續云路君二

闕前闕七行二十一字書其所歷豫州刺史至徵試  
博士凡八官後闕亦七行二十一字云會稽東部都  
尉路君闕其次書造闕年月日字畫兼用篆體前闕

人物之後小字一行却是隸文豫州前後各一人執杖負劒嚮字立東部之前亦一人執杖負劒又有一人正面立腰下垂佩兩手各有所執末亦一人執杖負劒而其前又有一人側面嚮字立手中亦有所執蓋是墓前雙闕東都冢墓間石刻傳於後世者自此始

開通褒斜道碑

永平九年

字原云在興元府即

今之漢中府又云紹熙甲寅帥章德茂得之於褒斜



道中

張氏穿中記

建初二年 字原云在眉州碧雞巖

隸釋云武陽城東彭亡山之巔畊夫剷地有聲尋罅  
入焉石窟如屋大中立兩崖崖柱左右各分二室左  
方有破瓦棺入泥中右方三崖棺泥穢充仞執燭視  
之得題識三所一在門旁為土所蝕厘存其上十許  
字穿中沙石不堅數日間觀者揩摩悉皆漫滅其二  
在兩柱前稍高故可拓時紹興丁丑年也 一柱二

十五字一柱四十九字隸釋云本張公賓之妻之穴也其子偉伯及偉伯妻與其孫陵皆祔葬右方曲內中故志之其一則偉伯之孫元益葬其父長仲并弟叔元所志也其字古而拙

戚伯著碑 集古錄云在今宿州出於近歲蓋官部春夫開汴渠於泥沙中掘得之 額題云 缺本周末嗣

戚氏襲以興勃海君玄孫伯著之碑十九隸字為一行本之上有一字石損其半碑式云碑有穿文十二

行行二十字在穿下自穿之上兩旁浸削及其巔則銳甚集古錄云其文字古怪而磨滅無首尾了不可讀金石錄云以文詞字畫驗之疑東漢中葉以前人蓋當時石刻見於今者多類此隸釋云世祖建武三年章帝章和元年威宗建和元年獻帝建安十二年皆丁亥也碑有太歲丁亥字當是建武或章和年所刻者集古錄目作周伯著碑蓋不辨題額歲字也

永元刻石 永元六年 字原云在永康軍蔡邕刻記

云在范功平磨崖之西五十餘步去地數寸迨得磨  
崖後十日其子武仲始見此十六字而摹之 復齋  
碑目作永元六年攻石題

王君平鄉道碑

永元八年

隸續云在嘉州夾江

縣嘉州即今嘉定州

隸釋云夾江縣涇口有磨崖

四百餘字平鄉明亭大道四面危險南安長王君遣  
掾何童修治故書崖以頌之崖石增長字體失真復  
齋碑目作平鄉明亭開道碑

王穉子闕

元興元年

字原云在成都府興地碑

目云在新都縣

闕有二其一云漢故先靈侍御史

河內縣令王君穉子闕其一云漢故兗州刺史雒陽

令王君穉子之闕金石錄云後漢書循吏傳王渙字

穉子渙以元興元年卒闕銘蓋和帝時所立也隸釋

云成都新都縣有渙墓此墓前之雙石闕也其上各

刻車馬之狀一則二人乘馬一則二人乘車挽之者

索佗也隸續云闕之兩角有斗斗上鐫耐童兒又作

重屋四壁刻神像人物車馬之類亦有漫滅者有先  
置二字在右闕南面稚字在北面子字在東面雒陽  
二字在左闕西面

羊竇道碑

永初二年

隸釋字原俱云在眉州墨

寶云在嚴道縣東三十里嚴道縣今廢其地入雅州

碑式云前有文六行空一行後有文九行崖石有  
裂絡文避石裂故字數不等少者九字多者十五字  
最後一行刻書人姓字及日月隸釋云青衣尉趙君

孟麟穿崖易道行人去危即安故刊石以志其事字畫甚拙最後一行云書此盛臣即碑式所謂書人姓字也漢碑之有書人姓字者惟此碑及武班樊敏邨閣頌天井碑側題名而已

謁者景君墓表

元初元年

字原云在濟州即今

濟寧州

額題云故謁者景君墓表七隸字為一行

碑式云有穿文十六行行二十九字皇帝賻高出三字金石錄云文字摩滅斷續不成文隸釋云東都自

路都尉始見墓闕有文而傳於今則自景君始梁任  
昉作文章緣起云墓碑始於晉宋予考酈氏水經所  
載漢刻已不少豈碑碣多在北方南人未之見乎然  
郭林宗傳云林宗既葬同志者立碑蔡邕為其文謂  
盧植曰吾為碑銘多矣惟郭有道無愧色范書所載  
豈不知之今漢人墓刻猶存數十百碑其云始於晉  
宋非也

謁者景君碑陰 首行題諸生服義者五字疑是郗令



景君闕題名趙氏洪氏皆以為謁者碑陰碑亡無考  
姑闕其疑

郟令景君闕銘

元初四年

隸釋云在濟州任城

縣即今濟寧州

隸釋云景君墓有雙闕其一刻此

文諸生服義者所立而不載其名金石錄云漢人爲  
景君刻銘本欲傳於不朽而不著其族系名字何哉

集古錄作景君石椁銘

嵩山太室神道石闕銘

元初五年

今在登封縣

中嶽廟南百餘步 金石文字記云銘八行年月及  
職官姓氏共十三行其文剝蝕殆半不載洪氏隸釋  
此闕歸然尚在而永叔德父當宋之盛時何以皆未  
之見也則知二錄所不及載者固多也

賜馮煥詔

元初六年

字原云在渠州今為渠縣

屬四川順慶府 碑首行云告豫州刺史馮煥隸釋  
云漢詔之式如此其石下斷惟存上八字碑式云馮  
煥斷詔十八行可見者或行有九字末行年字垂筆

多占一字

馮煥殘碑

永寧二年

字原云在渠州輿地碑目

云在大竹縣古寶城

碑式云馮煥斷碑六行可見

者或行有七字隸釋云建光之元即永寧二年是歲七月改元煥以四月終故碑尚用舊年也

馮煥殘碑陰

隸釋云諸曹史及帳下司馬武剛司馬

十餘人其間有貫潁川汝南陳國者皆豫州舊部也

馮煥神道

永寧二年

字原云在渠州

其文曰

故尚書侍郎河南京令豫州幽州刺史馮君神道共  
十九字金石錄云按後漢書馮緄傳緄父煥安帝時  
為幽州刺史緄碑亦云幽州君之元子此字在宕渠  
緄墓前石闕上知其為煥闕也

孝子董蒲闕

永寧二年 未詳所在

山陽麟鳳碑

永建元年 字原云在濟州即今濟

寧州 碑圖云右鳳而左麟其下各刻一贊其陰又  
刻銘辭皆小篆兩旁有隸書其篆云永建元年秋七

月饗時山陽太守河內孫君見碑不合禮掾變造新刻瑞儀麟鳳朱元章畫史云此圖半篆半隸麟一角上高如足翹形如惡馬鳳高冠尾長甚可怪也

陳君閣道碑

永建五年

字原云在資州內江縣

資州今為資縣與內江俱屬成都府輿地碑目云在獠井壩層崖之腹碑云漢安長蜀君青衣陳君省去根閣令就土著郵亭掾尹厚勒此石隸續云漢安舊屬犍為根字未見所出所謂根閣者猶李翕邨閣

何君尊健閣之比

袁良碑

永建六年

集古錄目云在開封扶溝天

下碑錄云在太康縣圍城鎮西南三十里扶樂城  
石牛廟又云在縣西北三十里陽夏鄉墓下 額題

云漢故國三老袁君碑八篆字袁君以順帝永建六  
年卒其孫衛尉滂立此石滂以光和年作相其為卿  
當在靈帝之初因無立碑年月姑以所卒之年附載  
於此水經注云扶溝城北有袁梁碑金石略有三老

袁貢碑即此碑也其名皆誤

北海相景君碑 漢安二年 今在濟寧州儒學

額題云漢故益州太守北海相景君銘十二篆字為  
二行文十七行行三十二字穿居其中在第八字之  
下其三行各廢兩字碑中屢稱明府獨伏惟明府一  
句其明府字平闕亂曰亦平闕隸釋云濟州任城有  
景氏三碑皆不著其名字

北海相景君碑陰 凡三列第三列姓名之下又云行

三年服者凡八十七人末以兩行刻四言韻語十八句

武班碑

建和元年

隸釋云在濟州任城即今濟

寧州

額題云故敦煌長史武君之碑九隸字集古

錄前跋作班碑以未見碑額不知其姓也武君以冲

帝永嘉元年卒後三年同舍郎史恢曹芝等六人為

之立碑後有題名六人其一曰防東長齊國臨淄

缺

紀伯允書此碑漢碑有書人姓字者絕少惜闕其姓



楊君石門頌

建和二年 集古錄目云在興元墨

寶云褒城縣北五里磨崖興元即今漢中府褒城縣  
屬之 額題云故司隸校尉捷為楊君頌十隸字碑  
式云碑文六十七行行三十字或有疎密不齊者高  
祖受命平關命字垂筆甚長所侵兩字許又空二字  
方書其下二句序曰別作行後一行低二字書趙邵  
等三人姓名又書王府君分遣官屬事凡三行末行  
低七字書魏伯玉徙官隸續云宣和殿碑錄以碑為

鼂漢彊書考其碑云五官掾南鄭趙邵屬褒中鼂漢  
彊書佐西成王戒蓋三人主其事書佐則王戒之職  
非鼂漢彊書也集古金石二錄與鄭樵金石略俱作  
楊厥開石門頌隸釋云司隸校尉楊君厥字孟文水  
經及歐趙皆謂之楊厥碑蜀中晚出楊淮碑云司隸  
校尉楊君厥諱淮字伯邳大司隸孟文之元孫也始  
知兩碑皆以厥為語助此乃後人頌其勲德故尊而  
字之不稱其名華陽國志云楊君名渙

王君石路碑

建和二年

隸釋云在漢州今為漢

川州屬成都府

碑式云其上畫方大書一表字其

下六行各有界道每行二十四字末行低四字書立

石人名隸釋云廣漢長王君政治崖路標表其事文

不滿百楊子欽所作

張公神碑

和平元年

集古錄目云在黎陽天下

碑錄云在通利軍黎陽即今之濬縣屬大名府宋為

通利軍熙寧初改黎陽屬衛州衛州今衛輝府也

額題云張公神碑隸字一行集古錄作張公廟碑云  
碑無題首蓋未見此額也隸釋云朝歌長鄭邴為張  
公建闕作碑監察黎陽營謁者李君好之文又作歌  
九章刻之石皴剥不明僅能辨其梗槩歌中再稱其  
夫人又云朝歌蕩陰及黎陽三女所處各殊方三門  
鼎列推其鄉時攜甥幼歸侯公不知張公是何神也  
馮君閣道碑 和平元年 未詳所在

嚴訢碑

和平元年

金石錄云政和中下邳縣民

耕地得之 無額隸續云漢人銘墓皆一律此碑先  
書其所終歲月及壽考有嗟惜之辭踰百言始云伊  
歎嚴君諱訢字少通遂述其行事與費鳳兩碑略相  
似銘詩亦五言訢所歷官東牟侯相之下長之上闕  
四字趙氏作下邳祝遂名祝長嚴訢碑漢無祝縣蓋  
亦闕其一字下邳本屬東海東海則有祝其疑此邑  
嘗割隸也

楊信碑

和平元年

字原云在忠州

無額碑首

行云故縣三老楊信字伯和隸釋云石已剝鮮有成章者墨寶作金溪楊信碑

丁魴碑

元嘉元年

隸釋云在巴州

無額碑首

行云廣漢屬國故都尉丁君諱魴字叔河碑式云文十行行三十四字四邊有磨文上狹下闊

武梁碑

元嘉元年

隸釋云在濟之任城即今濟

寧州

無額碑首行云故從事武掾諱梁字綏宗金

石錄云崇寧初得此碑愛其完好後十餘年則缺最

後四字今去崇寧七百餘年碑已不知所在

王政碑

元嘉三年

隸續云在濟州今濟寧州

額題云漢故郎中王君之銘八隸字為二行碑式云  
文十二行行三十字隸續云王君名政字季輔以元  
嘉三年卒門徒士夫相與立此石字雖殘闕尚多可  
讀者歐陽公云磨滅不復成文名字官闕卒葬年月  
皆莫可考蓋察之不詳爾小歐陽以為其字季輔趙  
氏以為光和元年立皆非也

平都相蔣君碑

永興元年

隸釋云在道州

額

題云漢故平都侯相蔣君之碑十篆字為二行碑式云  
文十六行行四十字後餘五行隸釋云碑字漫滅不  
得其名字蔣君以元嘉二年卒其文有云禮畢祥除  
瞻望墳塋則此碑乃永興元年所立

孔龢碑

永興元年

今在曲阜縣孔廟中

無額

凡十八行行四十字孔子十九世孫麟康請置百石  
卒史魯相乙瑛言之於朝司徒吳雄司空趙戒奏於



上瑛已滿秩去後相平復上於朝除孔鮒補名因立此碑今謂之百石碑金石錄作孔子廟置卒史碑集古錄以為吳雄修孔子廟碑蓋考之不詳也後人刻其上曰漢鍾太尉書隸釋云嘉祐中郡守張稚圭按圖經云鍾繇書繇以魏太和四年卒距永興蓋七十八年圖經所云非也

孔謙碣

永興二年

今在曲阜縣孔林中

碑圖

云碣甚小一穿微偏有暈一重起於穿中復有兩暈

在右其一甚短與他碑小異文八行行十字後餘兩  
行今已漫滅僅存十餘字集古金石二錄作孔德讓  
碣德讓其字也隸釋云其名不甚可辨考孔氏譜得  
之

益州太守碑

永壽元年

隸釋云蜀中漢碑不云

在蜀中何所漢之益州即今成都府亦即在成都諸  
屬也 碑圖云上下有朱雀玄武左右有龍虎文七  
行行四十一字故吏門生題名九行行六人碑式云

末行字頗多尚餘五字書於碑之末隸釋云碑首云益州太守某君卒其姓獨利滅或有謂之馮君者

益州太守碑陰 碑圖云碑陰所刻者五玉而三獸鼎列其中其一則九尾狐也下有一牛首其右有題名三人

韓勅碑 永壽二年 今在曲阜縣孔廟中 無額文十三行行三十六字第三行皇戲皇字高出一字後有題名三行行三人魯相韓勅脩造孔廟禮器所

立今謂之禮器碑集古錄作脩孔子廟器表金石錄  
作韓明府孔子廟碑天下碑錄作魯相韓勅復顏氏  
繇發碑按碑云復顏氏升官氏邑中繇發以尊孔心  
發屬下句讀且所復者尚有升官氏而此碑又不為  
復繇所立碑錄非也

韓勅碑陰十九行行三人又有數人附其下參錯不  
齊隸釋云凡六十有二人不稱字者一人不稱名者  
二十一人張普朱熊五人書體不同蓋後來所增者

韓勅碑兩側題名 刻於碑之兩旁共三十二人又一人以小字附其下字體與碑陰張普朱熊五人書體相同亦後來所增者濟國廣張建平二百下識曰其人處士碑陰河南成臯蘇漢明二百下亦有其人處士四字蓋當時有此書法隸釋謂已鐫而續書非也歐趙洪氏皆不言此碑兩旁有字由拓碑者止拓碑與陰而不及此諸公又未嘗親至碑下故不知耳

州輔碑

永壽二年 字原云在汝州舊錄云在龍

興縣汝州今屬河南龍興縣今為寶豐縣 額題云

漢故中常侍長樂太僕吉成侯州君之銘十六篆字  
金石錄云酈道元注水經云湫水南有吉成侯州苞  
冢冢前有碑其詞云天帝四后是諮是諏今驗其銘  
實有此語獨以輔為苞蓋水經之文誤汝帖以此碑  
為蔡邕書初無所據

州輔碑陰 自漢陽太守而下凡四十有九人其二即  
延篤叔堅金石錄云輔一宦者雖當代顯人如延叔

堅亦預焉有以見權勢之盛如此

韓勅後碑

永壽三年

字原云在兗州按當在曲

阜縣孔廟中

無額碑式云文十六行字多少不等

大半每行四十六七字第一行皇漢高出一字第二  
行孔聖平闕文之後題名三列每列三人韓府君之  
下附以宗戚二人碑云謁廟拜墓又云宅廟悉脩敬  
脩藥房藥疑即敢字檀弓云天子之殯也敢塗龍輅  
以樽敢才官反敢塗者用木叢棺而四面塗之敢房

猶殯宮也前碑載其脩造禮器此碑載其脩廟脩墓  
事闕里祖庭記有桓帝中年韓勅脩孔子廟碑在墓  
林中當是此碑字原以為即前碑非是金石錄作韓  
明府孔子廟碑隸釋作韓勅脩孔廟後碑皆不及其  
脩墓由考之不詳也

韓勅後碑陰 隸續云凡五列所題士大夫可辨者七  
十餘人自第二至第五列以其後四行直書家下復  
民姓名後一行云永壽三年孔從事所立



韓勅後碑兩側題名 碑式云碑側兩題名各四列其一則首列三行中有祥符年題字第二列其前廢三行後有四人第三列前闕一人後六人第四列四人空兩行書孔元聞其一則首列四行所書府君及劉翊各用兩行第二列五人空一行書石師姓名第三行七人第四列右尾二人前有太和年張咸題字上數列則有唐大中及慶厯年兩人題字就列於漢人之上字原作韓勅孔林別碑兩側題名

鄭固碑

延熹元年

今在濟寧州儒學

額題云

漢故郎中鄭君之碑八篆字為二行有穿文十五行  
行二十九字行間方若棊局今碑已中斷失其下一  
截予家有拓本尚完

議郎元賓碑

延熹二年

金石錄云在亳州

隸

釋云無額故不得其姓石缺又失其名金石錄云所  
可見者云字元賓歷官終於議郎

張休岷渼銘

延熹二年

未詳所在

隸續云銘

四言十四句末有張休姓名姑以名其碑藏碑者得之蜀人字原云或作磨崖險路銘

孫叔敖碑

延熹三年

水經注云在期思縣城西

北隅楚相孫叔敖廟前集古錄目云在光州天下碑錄云在固始縣本廟内期思縣即今光山縣與光州固始縣俱屬河南汝寧府按碑固始令段君夢見孫君為架廟屋立石銘碑期思縣宰段光庶慕先賢又為刻石則固始所刻者一碑期思所刻者又是一碑

此碑乃期思所刻者兩令皆段姓一名光一不著其名非一人也期思固始宋皆屬光州 額題云楚相孫君之碑六隸字為二行碑式云文二十四行行三十七字最後一行書年月高出一字穿在文中其三行各廢三字隸釋云舊碑闕五十餘字此用續刻者故其文全予所見拓本乃是續刻未知刻於何時

孫叔敖碑陰 碑式云二十三行行二十字相君字平闕穿居三行之內亦各廢三字此陰重言段光立碑

之事甚詳後歷叙叔教之子孫名氏

樊安碑

延熹三年

集古錄目云在唐州湖陽縣

唐州今為唐縣屬南陽府湖陽縣今廢有舊城在唐

縣有額而無字首行題云漢故中常侍騎都尉樊

君之碑碑式云首行已有標題故不再書額其題一

行文十二行銘三行詔三行行三十五字詔之下空

二字書年月剩一字其間年字垂筆甚長下侵兩字

馮煥詔同亦漢人書詔如是乎隸釋云安以永壽四

年卒其子以延熹三年始刻此碑又載元熹元年八月丁酉贈騎都尉詔趙氏遂以碑為元年所立誤也碑在湖陽椎拓漫滅治平中縣令樂京嘗為之再刻江原長碣

延熹三年 輿地碑目云在忠州郡庠隸釋云似闕非闕似碑非碑其文共二十二字由左而右其下刻一怪獸之首若虎而有角復齋碑目作進德闕輿地碑目作江原君闕

曹騰碑陰

延熹三年

集古錄云在亳州

碑式

云碑文無存陰九行行三十六字制曰平闕皇太  
后及先帝高出一字碑後尚存穿之半此文皆在穿  
右末行以穿廢第四第五字水經注云譙縣有曹騰  
碑題云漢故中常侍長樂太僕特進費亭侯曹君之  
碑延熹三年立碑陰又刻詔策二隸釋云歐趙不指  
此為曹騰碑陰失稽考也篆額今獨存云中常侍長  
樂太僕特進費亭曹侯碑水經誤多四字

王元賞碑

延熹四年

未詳所在

隸續云隸額

兩行所存其下令碑二字按碑叙其歷官終封丘令  
集古錄作王元賞碑跋云其名既亡又不序其姓惟  
其銘曰於惟王君以此知其姓王爾金石錄云其姓  
名已殘闕所可見者字元賞而已隸續云歐趙皆以  
為王元賞予所得者却是元賓字畫分明非是測度  
其名仿佛是紹

王元賞碑陰 集古錄有其碑而亡其名謂之漢碑陰  
題名跋云斯碑所題文字缺減而中間有錢各五百



四字似是脩廟人所記其人可見者有濟陰定陶蔡  
顥子盛山陽金鄉張諺李德河南宛陵趙堂世萇南  
陽南鄉鄧升升遠濟陰成武周鳳季節而其餘人姓  
名邑里多不完又時時有故吏字不知為何人祠廟  
金石錄作王元賞碑陰跋云載門生姓名有云右奔  
喪右斬杖三年於禮無乃太過隸續云王元賓碑陰  
四橫稱故吏者四人有名字郡邑者十餘人餘皆凋  
落不備其中有立碑錢各五百之文又有右奔喪斬

杖三年之文則知歐公所云漢碑陰題名者即此碑也

王純碑

延熹五年

隸釋云在鄆州中都縣鄆州

今為東平州中都縣今為汶上縣俱屬兗州府 額

題云漢故冀州刺史王君之碑十篆字為一行字作

陽文凸起拓本為黑字與衡方武榮諸碑同碑圖云

額當穿之中其文十三行行三十五字金石錄云桑

欽水經濟水逕須句城西酈道元注濟水西有安民

山山西有漢冀州刺史王紛碑漢中平四年立按地  
里書須胸即今中都縣此碑在中都又其官與姓氏  
皆合疑其是也然以純為紛以延熹為中平則疑水  
經之誤愚按碑文王君以延熹四年卒五年始葬立  
碑金石錄以為延熹四年立亦非也

王純碑陰 首行題諸門生人名五字隸續云碑陰九  
橫橫二十三人凡百九十三人漫滅者四人姓字不  
具者六十二人其下尺餘以前兩行書事上兩行許

不刻一字獨最下橫刻有二十二人亦強半漫滅不可辨金石錄云字畫淳勁可喜

任伯嗣碑

延熹五年

金石錄云在汜水縣大觀

初始獲此碑輦寘運司廨舍壁間 隸續云碑之中

鑿方為竅廣四寸長五之疑曾用之為碑趺金石錄

云首已殘闕其可見者云字伯嗣南郡編人其先蓋

任座之苗胄又云筑陽侯相延熹五年遷來臨縣其

後歷叙政績又云遷君桂陽最後云都邑謠詠甄勒

勛績永昭于後碑在今汜水縣汜水在漢為成臯此碑蓋為成臯令德政頌爾後漢書桓帝紀延熹八年有桂陽太守任胤以此碑校之歲月相符又名與字協知其名胤也按金石錄有碑陰洪氏所未見

真道家地碑

延熹五年 字原云在萬州即今夔

州府萬縣 隸續云真道以錢八千從真教兄弟市此地刻其文戒約後世字札繁碎不能盡通

桐柏廟碑

延熹六年 天下碑錄云在唐州即今

南陽府唐縣桐柏山在其境字原云或云在隨州棗陽桐柏鎮按一統志桐柏山南接隨州西接棗陽唐縣隨州皆有淮瀆廟或隨州別有一碑非即唐縣之碑也集古錄目云在鄧州恐誤 碑式云無額有穿文十三行行三十三字末有兩行題侍嗣官屬以春秋二字題於兩行之上春四人秋五人中無空字水經注云桐柏山南有淮源廟廟前有碑是南陽鄭邴立又二碑並是漢延熹中守令所造隸釋云此則其

一也弇州續藁云漢淮源廟碑漫漶不可讀杜昭守唐州乃延吳炳參用漢隸釋書舊文於石而刻之吳炳元時人見書史會要潘耒作金石文字記補遺云拓本完好蓋唐人重刻者據朱長文碑帖考云是釋曠書不知釋曠所書者乃是正書隸釋云此碑又有正書者華蓋誤作萃豐晝夜誤作立式凡十數字即謂釋曠所書之碑也未見吳炳重摹本而誤以為唐人重刻亦失考之甚

平輿令薛君碑

延熹六年

未詳所在

額題云

漢故平輿令薛君碑八隸字隸續云前有叙凡三十  
六字次有銘詩三百四言文雖無闕而不書其名字  
祝睦碑 延熹七年 集古錄云睦有二碑皆在虞  
城縣 額題云漢故山陽太守祝君之碑十篆字為  
二行碑式云額下有穿碑十二行行三十字

造橋碑

延熹七年

字原云在雅州

隸釋云碑

首刻二人冠帶相向而坐一器居中如豆登之狀後



有二人折腰低首雙垂其袖若胡舞者其上橫行有  
數字惟府卿明府四字不毀二人之下又橫刻二十  
六字兼篆隸之體曰蜀郡屬國明府潁川陽翟辛君  
字通達健為李君字仲曾其下三字不可曉漢碑無  
如是模式者碑圖云其下有文十七行行三十七字  
其後有題名五行隸釋又云蜀人謂此為神水閣碑  
考其文則謀謨若神是絕句其水似小其閣似閣特  
未能判今摘三語而強名之非也

嚴舉碑

延熹七年字原云在梁山軍即今夔州府

梁山縣無額碑首行云都鄉都里孝子嚴君隸續云  
碑崇七尺其二分之一下橫有裂文近歲出梁山軍所  
傳者皆至裂文止石理皴剥文意間斷予再得之始  
是全碑嚴舉姓名甚分明其碑有文有頌又有亂曰  
十六句

嚴舉碑陰 隸續云贈此者初無主名因見其中有都  
鄉有秩姓字嚴孝子碑中臨江丞名杜此碑有丞廣

漢屬國王杜合二碑則短長濶狹相若橫有裂文亦相等始知是嚴舉碑陰

孔宙碑

延熹七年

今在曲阜縣孔廟中

額題

云漢泰山都尉孔君之碑九篆字為一行碑首行題云有漢泰山都尉孔君之銘隸釋云凡漢碑有額者首行即入詞無額者或題其前如張納樊安之比亦甚少已篆其上復標其端惟此碑爾文十四行行二十八字末行銘辭下空十一字刻年月

孔宙碑陰 漢碑陰皆無額獨此碑以門生故吏名五  
篆字題其上凡三列六十二人

華山廟碑

延熹八年 金石文字記云舊在華陰

縣西嶽廟中嘉靖三十四年地震碑毀華州郭盾伯  
有此拓本文字完好今藏華陰王無異家予從商丘  
宋尚書摹得之即無異藏本也 額題云西嶽華山

廟碑六篆字為二行碑式云文二十二行行三十七  
字袁府君肅恭明神及京兆尹勅杜遷市石皆平闕

高祖太宗孝武並列行高出一字有紋如碁局洪氏  
碑圖云歐陽叔弼以袁逢華廟碑為郭香察書考其  
碑云勅都水掾杜遷市石遣書佐郭香察書蓋一人  
市其石一人察其書非郭君書之也隸釋云東漢循  
王莽之禁人無二名郭香察書者蓋察涖他人之書  
爾金石文字記云察書乃對上市石之文則香者其  
名律歷志有太史治歷郎郭香豈其人歟徐浩古跡  
記以碑為蔡中郎書都穆金薤琳琅云浩深於字學

且生唐盛時殆非鑿空而言者

老子銘

延熹八年

隸釋云在亳州苦縣亳州今

屬鳳陽府苦縣今廢地入歸德府鹿邑縣 額題云

老子銘三篆字為一行碑式云文二十一行皇上字

平闕集古錄云世傳碑銘蔡邕作今檢邕集無此文

集古錄目云陳相邊韶撰據碑桓帝夢見老子尊而

祀之韶時典禮因而為銘金石錄云舊傳蔡邕文并

書蓋杜甫李潮小篆八分歌有曰苦縣光和尚骨立

書貴瘦硬方通神世云此碑是也今驗其詞乃邊韶  
延熹八年作非光和中所立未知甫所見是此碑否  
而周越書苑遂以為韶撰文而邕書初無所據

祝睦後碑

延熹九年

集古錄云在虞城縣

額

題云漢故山陽太守祝君之碑十篆字為二行碑式  
云亦有穿其文十五行行三十六字伊余祝君一句  
祝君字平闕隸釋云祝君以延熹七年卒故吏王堂  
等三年禮闕相與刊此石則延熹之九年也

堯廟碑

永康元年

字原云在濮州

無額按碑

濟陰太守孟郁行縣祀廟膏雨即降遂飭治大殿仲氏宗家共作殿前石礪階陞欄楯乃立此碑以著表郁之美勛復序仲氏祖統所出於後子姓官位具載碑陰蓋當時出錢者惟仲氏故所序特詳集古錄作堯祠祈雨碑

堯廟碑陰 字原云此陰皆載仲氏父祖兄弟子孫所歷所終之官獨一董永為異姓隸續云左側亦有題



字

度尚碑

永康元年

字原云在徐州隸釋云此碑

在湖陵荒野政和壬辰巡檢王當世見之始遷於官  
廨其後邑令滕君欲徙碑於沛舟三載而三覆繼因  
大水漲沒不出乙未年劉宗儀攝事乃能立之使星  
亭云按湖陵縣今廢地入徐州沛縣 額題云漢故  
荊州刺史度侯之碑十篆字為二行碑式云有穿文  
十五行空三行低十三字刻立碑年月其石下闕所

存者行三十二字亦有碁局之紋

六藝之一錄卷一百十二